

kyapun ngarux qu 'laqi' kneri

saral hiya' mga, maki' sazing mtswe' kneril. qsuyan hiya' ga, Upah lalu' nya'. ru sswe' hiya' ga Yaway. aki musa' tmqhuniq ma. mpanga' kiri' ru maras soki' musa' sa lhlahuy. ini' tehok sa lhlahuy na' ga, si kta ini' baqi sa minkahul inu' qu qutux krahu' balay na ngarux. nyal mwah kmyap lha'. si hwaw qu Upah mha, “ Yaway! ihi' pgyay! usa' ngasal.” son nya'. wal balay thoyay mgyay qu sswe' nya'. ana ga, nyux kyapun na ngarux qu Upah hiya' la. mngungu' balay qu Upah ru memaw mkzngta'. ini' qbaq ryax la. kyapun ngarux qu Upah. gliqun na ngarux kwara' qu lukus na Upah. memaw si pcinbebwax ru rasun nya' pqaya' sa qara' na qhoniq qu Upah.

mbyaq qu ngarux mwah magal btunux. aki nya' kskon tunux na Upah ru nniqun nya' tunu'. mkaraw qu ngarux. obih tehok beh na Upah qasa

lga, magal soki' qu Upah. si nya' 'tngi qba' na ngarux. wal mha “ wax! ” mhotaw te kyahu' qu ngarux lru mhuqil la.

ini' kbsyaq lga, tehuk qu qsuyan mlikuy ru yaba' nqu Upah. ktan nha' qu ngarux nyux mhuqil bih na puqing qhuniq. mlawa' qu Upah mha,“ laxi uwah mkaraw! ” son nya' qu qsuyan nya'. baha hmswa', gaga' na Tayal raral hiya' ga, psaniq mita' hi' na tnaqan ka nyux mbebwax ma. nanu' yasa qu yaba' qu musa' mkaraw. s'agal nya' qutux lbak na abaw bgayaw. sbun nya' ru spanga' nya' mwah mbyaq la.